

Ilisimatusarfik pillugu Inatsisartut inatsisaat nr. 12, 12. juni 2019-imeersoq

Kapitali 1

Inatsisitigut inissisimanera suliassaalu

§ 1. Universiteti Ilisimatusarfik pisortat suliffeqarfiutigaat namminersortoq.

§ 2. Ilisimatusarfiup suliassarai ilisimatusarfimmi ilinniagassat iluanni ilisimatuutut misissuinissaq aamma ilisimatusarnermik tunngavilimmik ilinniartitsinermik neqeroornissaq nunani tamani annerpaamik angusassaq tikillugu. Ilisimatusarfiup qulakkiissavaa ilisimatusarnerup, inerisaanerup aamma ilinniartitaanerup naligiillutik suleqatigiinnissaat, kiisalu ilisimatusarnermi aamma ilinniartitaanermi ilinniagassanik ingerlatassaminik ingerlaavartumik inerisaanissaq aamma siaruarternissaq ilisimasanillu ilisimatusarnermi suleriaatsinik paasisanillu paarlaasseqatigiinnissaq.

Imm. 2. Ilisimatusarfik ilisimatusarnermi kiffaanngissuseqarpoq. Ilisimatusarfiup ilisimatuullu ataasiakkaat ilisimatusarnermut kiffaanngissuseqarnerat ilisimatusarnermilu ileqqorissaarnissaq Ilisimatusarfiup attattuarniartussaavaa. Isumalluutit pisariaqartut pigineqarpata, Naalakkersuisut Ilisimatusarfik tusarniaavigeriarlugu immikkut ilisimatusagassanik, qulaajagassanik aamma ilinniartitsissutissanik suliassissinnaavaat.

Imm. 3. Ilisimatusarfiup inuiaqatigiit avatangiiserineqartut suleqatigissavai aamma nunat akornanni suleqatigiinnermik inerisaaqataassaaq. Ilisimatusarfiup ilisimatusarnikkut aamma ilinniartitaanikkut angusamigut Kalaallit Nunaanni nunanilu issittumiittuni siuariartorneq, atugarissaarneq ineriartornerlu siuarsaaqataaffigissavai. Ilisimatusarfik qitiusumik aamma kultureqarfittut suliffeqarfiunermigut ilisimasatigut piginnaasatigullu inuiaqatigiinnut paarlaasseqatiginnittassaaq aamma sulisuni inuiaqatigiinni oqallinnermi peqataaqqullugit kajumissaartassallugit.

Imm. 4. Ilisimatusarfiup suliassaqarfinni attuumassuteqartuni ilisimasat nutaanerpaat Kalaallit Nunaanni ilinniakkanit tamanit pissarsiarineqarsinnaanerat qulakkeerineqataaffigissavaa.

Kapitali 2

Aqutsineq

Siulersuisut

§ 3. Siulersuisut tassaapput Ilisimatusarfimmi qullersaallutik oqartussaasut. Ilisimatusarfiup ilisimatusarnermi aamma ilinniartitaanermi soqutigisai siulersuisut isumagissavaat aamma Ilisimatusarfiup aaqqissuussaananeranut ungasinnerusumullu isigaluni suliaanut ineriartorneranullu najoqqutassiussallutik.

Imm. 2. Siulersuisut Ilisimatusarfiup ingerlatsinera pillugu Naalakkersuisunut akisussaapput,

tassungalu ilaassaaq aningaasaqarnikkut ingerlatsinera.

§ 4. Siulersuisut rektorip inassuteqareerneratigut missingersuutit akuersissutigisassavaat, tamatumunnga ilanngullugit aningaasat agguataarnissaat aamma atorneqarnissaannut tunngavissat.

Imm. 2. Siulersuisut naatsorsuutit atsiortassavaat.

§ 5. Siulersuisut Iisimatusarfiup malittarisassai suliarissavaat. Malittarisassani tulliuuttuni maleruagassat erseqqinnerusut aalajangersarneqassapput:

- 1) Iisimatusarfiup naleqartitatut tunngavii,
- 2) Iisimatusarfiup oqaatsit pillugit politikkia,
- 3) siulersuisut sulinerat pillugu ammasuuneq,
- 4) sulisunik aqutsisunik atorfinitsitsineq,
- 5) siulersuisut iluanni ilaasortanik qinersineq,
- 6) siulersuisut suliaat,
- 7) ilinniagartuut siunnersuisoqatigiivinut aamma instituttit siunnersuisoqatigiivinut ilaasortanik qinersineq kiisalu
- 8) ilinniagartuut siunnersuisoqatigiivisa aamma instituttit siunnersuisoqatigiivisa suliaat.

Imm. 2. Malittarisassat kingusinnerusukkullu allannguutit Naalackersuisunit akuerineqassapput.

§ 6. Siulersuisut Iisimatusarfiup rektorianik atorfinitsitsisarput soraarsitsisarlutillu.

Imm. 2. Siulersuisut prorektorimik aamma universitetsdirektørimik rektorip inassuteqareerneratigut atorfinitsitsisarput.

Imm. 3. Siulersuisut Iisimatusarfimmi atorfilittanut allanut imaluunniit ilinniartunut tunngasuni sulianut ataasiakkaanut akulerussinnaatitaanngillat.

§ 7. Naalackersuisut ineriartortitsinissaq pillugu siulersuisunut isumaqatigiissuteqassapput.

Imm. 2. Ineriartortitsinissaq pillugu isumaqatigiissutip imarisassai pillugit maleruagassanik Naalackersuisut aalajangersaasinnaapput.

§ 8. Siulersuisut 11-nik ilaasortaqrput, imatut inuttalersugaallutik:

- 1) Avataanit ilaasortat 6.
- 2) Ilaasortat marluk, Iisimatusarfiup ilisimatuuinut aamma ilinniartitsisinut sinniisuusut, taakkununnga ilanngullugit ph.d.-mik ilinniartut.
- 3) Ilaasortaq ataaseq allaffimmi illumilu atorfeqavissut aallartitarissavaat.
- 4) Ilaasortat marluk ilinniartut aallartitarissavaat.

Imm. 2. Siulersuisut inuttalersugaanerat Iisimatusarfiup ataatsimoortumik suliassanik takutitsisuusaaq. Siulersuisunut ilaasortat ataatsimoorlutik Kalaallit Nunaanni nunarsuarmilu, ilanngullugu issittumi pissutsinik ilisimasaqarnermikkut, aqutsinermik, ilisimatusarnermik kiisalu ilinniartitaanermik, kiisalu ilisimasanik paasisitsinermik paarlaaqatigiinnermillu misilittagaqarnermikkut paasisimasaqarnermikkullu Iisimatusarfiup ineriartorneranik siuarsaaqataassapput.

Imm. 3. Ilaasortat avataaneersut Naalackersuisut toqqartassavaat. Naalackersuisut Iisimatusarfimmit ilaasortassanik pituttuisuunngitsumik inassuteqaqqusisinnaapput. Naalackersuisut

aamma peqataasunit attuumassuteqartunit allaniit pituttuisuunngitsumik inassuteqaqqusisinnaapput.

Imm. 4. Ilaasortat toqqarneqartassapput inuttut piginnaasaqarnerat tunngavigalugu. Toqqaanermi pingaartinneqartassapput suliamut inuttullu piginnaasat aamma suliffinnik kiisalu ilisimatusarnikkut ilinniartitaanikkullu avatangiiserisanik inerisaanermik misilittakkat, ajornanngippat nunarsuarmut tamarmut sammisut. Ilaasortat avataaneersut aqutsinermik, aqqissuussaaneermik aningaasaqarnermillu misilittagaqassapput, ilanngullugu missingersuutinik naatsorsuutinillu nalilersuisinnaassallutik.

Imm. 5. Taamaallaat atorfillit piffissaq tamaat ukiup affaata nalinganik qaangerluguluunniit suliartartut piffissarlu tamaat ilinniartut qinigaasinnaatitaapput qinersisinnaallutillu.

Imm. 6. Imm. 1, nr. 2 aamma 3-mi taaneqartut aallartitat sulisut sinniisuinut malittarisassat malillugit illersorneqassapput.

Imm. 7. Siulersuisut siulittaasussaminnik ilaasortat avataaneersut akornannit qinersissapput.

Imm. 8. Taasinerit amerlaqatigiitsillugit siulittaasup taasineri aalajangiisuusaaq.

§ 9. Siulersuisut piffissami ukiunik sisamanik sivilissusilimmi ivertitaassapput, atuuffissaq siulleg 1. marts 2020-miit 29. februar 2024-mut ingerlassaaq, taamaattoq tak. imm. 3.

Imm. 2. Ilaasortat avataaneersut ilaasortallu suliffimmeersut ataasiarlutik toqqagaqqissinnaapput qinigaqqissinnaallutillu, taamaattoq tak. imm. 3.

Imm. 3. Ilaasortat § 8, imm. 1, nr. 4-mi taaneqartut, piffissami ukiunik marlunnik sivilissusilimmi ilaasortaassapput, ataasiarlutillu qinigaqqissinnaallutik, pineqartut ukiut ilinniartifigisassat piffissaliussaasut marluk sinnerlugilluunniit suli amigaatigippatigit.

Imm. 4. Ilaasortaqaq ataaseq ilaasortalluunniit amerlanerit piffissap atuuffimmik ingerlanerani tunuassappata, ilaasortanik nutaanik toqqaasoqassaaq, siulersuisut qaqugukkulluunniit 11-nik ilaasortaqaqtaqqullugit.

§ 10. Naalackersuisut siulersuisut peqqusinnaavaat pissutsit inatsisinik unioqqutitsisut iluarseqqullugit.

Imm. 2. Naalackersuisut siulersuisut tunuaqqusinnaavaat, siulersuisut inatsisinik unioqqutitsinernik iluarseqqusinerit maleruannngippatigit, taamaallunilu siulersuisunik nutaanik ivertitsisoqassalluni. Siulersuisut suliassaat, taakkualuunniit ilaat, siulersuisuugallartunit Naalackersuisunit toqqarneqartunit piffissap ilaa isumagineqarsinnaapput.

Imm. 3. Siulersuisunut ilaasortaqaq siulersuisut akisussaaffiannik sakkortuumik sumiginnaasimasooq, imaluunniit siulersuisuni sulinissamut imminut naleqqukkunnaartissimasooq Naalackersuisut tunuartissinnaavaat.

§ 11. Siulersuisuni ilaasortat avataaneersut akissarsiaqartinnissaat pillugu Naalackersuisut maleruagassanik aalajangersaassapput.

Rektoreqarfik

§ 12. Ilisimatusarfiup ulluinnarni aqunneqarnera rektorimit isumagineqassaaq siulersuisut sinaakkusiussaata naapertorlugit. Ilisimatusarfiup aqutsisuisa allat rektorip tunaartarisassaliaa piginnaatitsineralu naapertorlugit suliassatik isumagissavaat.

Imm. 2. Rektori rektorip tullersortaanik taparserneqassaaq, taannalu rektorimut paarlattaasassaaq. Rektori aamma rektorip tullersortaa tassaapput Ilisimatusarfiup rektoreqarfia.

Imm. 3. Rektori aamma rektorip tullersortaa ph.d.-mik ilinniarsimasuussapput, tak. § 34, aamma Kalaallit Nunaanni pissutsinik ilisimasaqassapput ilinniartitaanermullu pissutsinik paasisimasaqassallutik. Aammattaaq rektori ilisimatusarnermik ilinniartitaanermillu sammisaqarfinnik aqutsinermik inerisaanermillu misilittagaqassaaq, universitetillu suliannik inuiaqatigiinnilu avatangiiserisaminnik suleqateqarnerannik paasisimasaqassalluni.

§ 13. Rektori Ilisimatusarfiup sinniiseraa suliassanilu tamani aalajangiisuusassaaq piginnaatitaaffik siulersuisunut, ilinniagartuut siunnersuisoqatigiivinut, instituttimi aqutsisunut imaluunniit instituttip siunnersuisoqatigiivinut inissinneqarsimanngikkaangat.

Imm. 2. Rektorip instituttini aqutsisut, atorfinitsittassavai soraarsittassallugillu.

Imm. 3. Rektori aningaasartuutitut missingersuutit naatsorsuutillu siulersuisunut akuerisassanngortillugit innersuuteqartassaaq.

Imm. 4. Avataaneersunik suleqateqarnissamut isumaqatigiissutit, Ilisimatusarfimmik pisussaaffiliisut tamaasa, rektorip akuersissutigisassavai.

Imm. 5. Ilinniagartuut siunnersuisoqatigiivisa suliassartik annertuumik paarinerluppasuk, rektorip siunnersuisoqatigiit atorunnaarsissinnaavai suliassaallu nammineq tigullugit.

§ 14. Rektorip ilinniarnermi pissuserissaarnissamillu malittarisassat aalajangersassavai, taamaattoq tak. imm. 3. Rektorip ilinniartut ilinniarnermi pissuserissaarnissamillu malittarisassanik ilisimatissavai. Rektorip ilinniarnermi pissuserissaarnissamillu malittarisassat Naalakkersuisunut ilisimatitsissutitut naasiutissavai.

Imm. 2. Rektorip ilinniartunut ilinniarnermi pissuserissaarnissamillu malittarisassanik maleruaanngitsunut pineqaatissiinissat aalajangiiffigisassavai. Rektorip ilinniartut arlaleriarlutik sakkortuumilluunniit ilinniarnermi pissuserissaarnissamillu malittarisassanik unioqquitsisut anisissinnaavai.

Imm. 3. Naalakkersuisut ilinniarnermi pissuserissaarnissamillu malittarisassat pillugit malittarisassanik erseqqinnerusunik aalajangersaassapput, tamatumunnga ilanngullugit pinngitsoorani takkuttussaaneq aamma ilinniartunut ilinniarnermi pissuserissaarnissamillu malittarisassanik maleruaanngitsunut pineqaatissiisarnissat pillugit malittarisassat.

Kapitali 3

Ilinniagartuut siunnersuisoqatigiivi

§ 15. Ilisimatusarfiup ilinniagartuut siunnersuisoqatigiivi pilersissavai, aqutsisut, sulisut ilinniartullu aalajangeeqataanissaat ilinniagartuujunermilu pissutsit pillugit akuutinneqarnissaat qulakkeerniarlugu.

Imm. 2. Ilinniagartuut siunnersuisoqatigiivi tulliuttunik suliassaqarput:

- 1) aningaasaliissutit agguataarnerat pillugu rektorimut oqaaseqartarlutik,
- 2) ilisimatusarnermut ilinniartitaanermullu tunngasut pingaarutillit pillugit rektorimut oqaaseqartarlutik,
- 3) ilisimasanik paarlaasseqatigiittarnermi pilersaarutit pillugit rektorimut oqaaseqartarlutik,

- 4) ilinniakkanut aaqqissuussinernut misiligummillu aaqqissuussinernut siunnersuutit pillugit instituttini siunnersuisoqatigiit inassuteqareernerisigut rektorimut inassuteqaateqartarlutik,
- 5) ilinniagassanut paasisimasalinnik ataatsimiititaliussapput atorfiit ilisimatusarnermik ingerlatsiffiusut inuttalernissaannut tunngatillugu ilisimatusarnermi sulianik naliliisussanik tamassuminngalu ph.d.-gradimik doktor-gradimillu tunniussinissaq pillugu naliliisartussanik aamma
- 6) ph.d.-gradinik doktorgradinillu tunniussisarneq.

Imm. 3. Ilinniagartuut siunnersuisoqatigiivi ilisimatusaatinut tunngasunut tamanut, Ilisimatusarfiup aaqqissuussaananut suliaanullu pingaaruteqartunut oqaaseqaateqarsinnaapput aamma ilisimatusaatinut tunngasut rektorimit saqqummiunneqartut oqaluuserissallugit pisussaaffigaat.

Imm. 4. Naalakkersuisut doktorinngorniarluni ilisimatuutut suliat pillugit malittarisassanik aalajangersaassapput.

§ 16. Pissutsit § 15, imm. 2, nr. 5-imi aamma 6-imi taaneqartut, kiisalu pissutsit ilisimatusarnerinnarmut tunngasut suliarineqartillugit, ilinniagartuut siunnersuisoqatigiivini ilisimatuut kisimik taasisinnaatitaapput.

§ 17. Ilinniagartuut siunnersuisoqatigiivi imatut inuttalersugaassapput:

- 1) Rektori siulittaasuususaq.
- 2) Prorektori.
- 3) Ilaasortat marluk instituttini aqutsisunut sinniisut.
- 4) Ilaasortat pingasut Ilisimatusarfimmi ilisimatuut aamma ilinniartitsisut aallartitarissavaat, ph.d.-mik ilinniartut atorfeqartit ilanngullugit. Minnerpaamik ilaasortat 2 ilisimatusarnermik tunuliaqutaqassapput.
- 5) Ilaasortat marluk ilinniartut sinniiserisaat.
- 6) Ilaasortaq ataaseq allaffimmi illumilu atorfeqavissut aallartitarissavaat alaatsinaatsut. Alaatsinaatsut inissisimanerup kinguneraa pineqartut taasisinnaatitaannginnerat.

Imm. 2. Taamaallaat atorfillit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutillu.

Imm. 3. Ilinniagartuut siunnersuisoqatigiivi siulittaasumik ilaasortat akornanneersumik qinersissapput.

§ 18. Ilinniagartuut siunnersuisoqatigiivi ukiuni sisamani atuuttumik ivertitaasassapput, siullermik piffissamut 1. november 2019-imiit 31. oktober 2023-mut atuuttumik, taamaattoq tak. imm. 3.

Imm. 2. Ilaasortat § 17, imm. 1, nr. 4-mi aamma nr. 6-imi taaneqartut ataasiarlutik qinigaqqissinnaapput.

Imm. 3. Ilaasortat § 17, imm. 1, nr. 5-imi taaneqartut ukiunut marlunnut atuuttumik qinigaassapput ataasiarlutillu qinigaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Kapitali 4

Instituttit, immikkoortortat aamma instituttit siunnersuisoqatigiivi

Instituttit

§ 19. Ilisimatusarfimmi ilisimatusarnerit aamma ilisimatusarnej tunngavigalugu ilinniarnert instituttini ingerlanneqartassapput. Instituttit arlaannaataluunniit ilisimatusarnej ilinniakkamut tunngavisoq ingerlatinngippagu, pineqartup iluani ilisimatusarnej ilinniakkallu aqqissugaanera pillugit universitetimik allamik ilisimatusarfimmilluunniit isumaqatigiissuteqartoqassaaq.

Imm. 2. Ilinniagaqarfiit imarisamik kut ilisimatusarnermik kullu ataqatigiissuteqartut instituttinut ilaassapput.

§ 20. Institutti instituttimi aqutsisumit aqunneqassaaq.

Imm. 2. Instituttimi aqutsisoq aqutsisuujutigaluni immikkoortortami pisortatut suliaqarsinnaavoq, tak. § 23, imm. 1.

Imm. 3. Instituttimi aqutsisoq instituttimi ilinniagaqarfiit iluanni ataatsimi ph.d.-mik ilinniagaqarsimassaaq, taamaattorli tak. imm. 4 aamma § 34, imm. 1, ilinniagaqarfimmilu iluani ilinniartitsinermik misilittagaqartuussalluni.

Imm. 4. Ph.d.-mik ilinniagaqarsimasumik tulluurtumik qinnuteqartoqarsimanngippat kandidatitut ilinniagaqarsimasoq piukkunnaateqartoq atorfinitsinneqarsinnaavoq.

Imm. 5. Instituttimi aqutsisup immikkoortortani aqutsisut aamma instituttimi atorfeqartut allat atorfinitsillugillu soraarsittassavai, taamaattoq tak. imm. 2.

§ 21. Instituttimi aqutsisoq immikkoortortanilu aqutsisut instituttimi aqutsisoqarfiupput.

Imm. 2. Instituttimi aqutsisoqarfiup najoqqutassat rektorimit akuerineqartut malillugit instituttip ulluinnarni aqunneqarnera isumagissavaa, tamatumunnga ilanngullugit pilersaarusioneq aamma suliassanik agguaassineq.

Imm. 3. Instituttimi aqutsisoqarfiup suleqataasut ilisimatusarnermi periutsinik kiffaanngissuseqarnerat mianeralugu suliassanik aalajangersimasunik isumaginnittussanngorlugit peqqusinnaavai. Ilisimatuutut sulisut ilisimatusarnissamut kiffaanngissuseqarput, piffissamilu suliassanik pisussaaffiligaanngisaminni Ilisimatusarfiup ilisimatusarnissamut periusissiaanut sinaakkusiussap iluani kiffaanngissuseqarlutik ilisimatusarlutik. Ilisimatusarfiup ilisimatusarnermut periusissiaanut sinaakkusiussaaniippoq universitetip suliaqarfia tamarmiusoq. Sulisut ilisimatuut piffissami sivisunerusumi piffissap suliffigisassamik ilaani annertuallaami suliassanik pisussaaffilerneqassanngillat, taamaappat ilisimatusarnissamut piviusumik kiffaanngissusiigaassagamik.

Immikkoortortat

§ 22. Institutti arlalinnik immikkoortortaqaarsinnaavoq.

Imm. 2. Immikkoortortaq ataaseq ilinniarnermik ilisimatusarnermik tunngavilimmik ataatsimik arlalinnilluunniit aamma ilisimatusarnermik ingerlatitseqqinnermilluunniit suliaqarfiusunik ataatsimik arlalinnilluunniit katitigaasinnaavoq.

§ 23. Immikkoortortami aqutsisup immikkoortortap ulluinnarni aqunneqarnera isumagissavaa.

Imm. 2. Immikkoortortami aqutsisoq suliassa qarfirmi immikkoortortap suliassa qarfigisaani ph.d.-mik ilinniagaqarsimasuussaaq, taamaattoq tak. imm. 3 aamma § 34, imm. 1, ilinniagaqarfimmilu iluani ilinniartitsinermik misilittagaqartuussalluni.

Imm. 3. Ph.d.-mik ilinniagaqarsimasumik tulluurtumik qinnuteqartoqarsimangippat kandidatitut ilinniagaqarsimasooq piukkunnaateqartoq atorfinitsinneqarsinnaavoq.

Imm. 4. Immikkoortortami aqutsisup suliassai tassaapput instituttimi aqutsisunut instituttimilu siunnersuisooqatigiinnut innersuussinissaq aamma siunnersuuteqarnissaq, ilanngullugit:

- 1) ilinniagassanik aqqissuussinernut siunnersuusiornerit,
- 2) ilinniartitsinermut soraarummeernernullu pilersaarusiornerit,
- 3) ilisimatusarnermut ingerlatitseqqinnermullu pilersaarusiornerit, kiisalu
- 4) immikkoortortap aqqissugaaneranut siunnersuusiorneq, ilanngullugu ilinniarnernut aqutsisunik ilinniartunullu siunnersortinik toqqaaneq.

Imm. 5. Immikkoortortami aqutsisup suliassanut imm. 3, nr. 1-imi taaneqartunut atatillugu atuisut ilinniagaqarfimmik aamma atorfeqarfinnik ilinniakkatigut atorfiniffiusinnaasunik misilittagaqartut paasisimasaaqartullu akuutittassavai.

Imm. 6. Immikkoortortami aqutsisup suliassanut imm. 3, nr. 1-imi aamma 2-mi taaneqartunut atatillugu ilinniagaqartut akuutittassavai.

Imm. 7. Immikkoortortami aqutsisut ilinniagaqartussanik tigusineq akuersissutigissavaa.

Imm. 8. Immikkoortortami aqutsisoq instituttip aqutsisuinut instituttillu siunnersuisooqatigiivinut immikkoortortap suliaanut pingaaruteqartunut aamma atorfinitsitsinerni soraarsitsinernilu inassuteqartassaaq aammalu suliani tamani immikkoortortaqarfimmut pingaaruteqartuni tusarniarneqartassalluni.

Instituttit siunnersuisooqatigiivi

§ 24. Instituttini ataasiakkaani tamani instituttimi siunnersuisooqatigiit pilersinneqassapput, ilinniagaqartut ilisimatuutullu sulisut ilinniartitaanernut ilinniartitsinermullu aalajangeeqataasinnaanerat akuutinneqarnissaallu qulakkeerniarlugit.

Imm. 2. Instituttimi siunnersuisooqatigiit suliassaraat ilinniartitaanerit aqqissugaanerisa, ingerlanneqarnissaasa ineriartortinneqarnissaasalu qulakkeernissaat, ilanngullugit ilinniartitaanerit ilinniartitsinerillu pitsaassutsikkut qulakkeernissaat pitsaassutsikkullu ineriartortinnissaat kiisalu ilinniartitaanernik ilinniartitsinermillu nalilersuinerit malitseqartinneqarnerat nakkutigissallugu.

Imm. 3. Instituttip siunnersuisooqatigiivisa najoqqutassat nalinginnaasut malillugit aamma immikkoortortani aqutsisut inassuteqareernerisigut tulluuttut akuersissutigisassavaat:

- 1) angusanik nuussinerit aamma
- 2) ilinniagartuutut taaguuteqalersitsisinnaaneq ph.d.-gradi doktorgradilu kisiisa pinnagit, tak. § 15, imm. 2, nr. 6.

Imm. 4. Instituttimi siunnersuisooqatigiit ilinniagartuut siunnersuisooqatigiivinut tulluuttut pillugit inassuteqartassapput:

- 1) instituttimi ilisimatusarnermut aamma ilinniakkanut ilisimatusarnermik tunngaveqartunut najoqqutassat nalinginnaasut,
- 2) instituttimi ilinniagassanik aqqissuussinerit,

- 3) ilinniakkanik misiligummik aqqissuussinerit,
- 4) ilinniakkanik ilisimasalinnik ataatsimiititaliamik pilersitsineq inuttalersuinerlu, ilisimatuutut atorfiit inuttalernissaat ph.d.-gradimik doktorgradimillu angusaqarnissamut ilisimatuussutsikkut sulianik nalilersuisarnissaq siunertaralugu,
- 5) instituttip missingersuutitut siunnersuutai aamma
- 6) immikkoortortanut aqqissugaaneq taakkualu akisussaaffeqarfii.

Imm. 5. Instituttimi siunnersuisoqatigiit suliani tamani instituttip aqqissugaaneranut suliaanullu pingaaruteqartuni oqaaseqaateqarsinnaatitaapput, pissutsillu tamaasa rektorip aamma instituttit aqutsisuisa instituttimi siunnersuisoqatigiinnut saqqummiussaasa oqaluuserinissaat pisussaaffigalugu.

Imm. 6. Pissutsit taamaallaat ilisimatusarnermut tunngasut aalajangiivigineqassatillugit, taamaallaat ilaasortat ilisimatuujusut taasisinnaatitaapput.

§ 25. Instituttimi siunnersuisoqatigiit imatut inuttalersorneqassapput:

- 1) Instituttimi aqutsisoq, instituttimi siunnersuisoqatigiinnut siulittaasuusoq.
- 2) Instituttimi immikkoortortani aqutsisut.
- 3) Ilaasortat pingasut, instituttimi ilisimatuut ilinniartitsisullu sinniiserisaat, ph.d.-mik ilinniagaqartut atorfeqartit ilanngullugit. Ilaasortat ikinnerpaamik marluk ilisimatusarnermik tunuliaqutaqassapput.
- 4) Ilaasortaq ataaseq, teknikkimik allaffissornermillu atorfeqavissut sinniiserisaat.
- 5) Instituttimi piffissaq tamaat ilinniakkanit ataasiakkaanit tamanit ilinniartoq ataaseq, taamaattoq ilinniartut ikinnerpaamik marluk.

Imm. 2. Taamaallaat atorfillit piffissaq tamaat ukiup affaata nalinganik qaangerluguluunniit suliaqartartut piffissarlu tamaat ilinniartut qinigaasinnaatitaapput qinersisinnaallutillu.

§ 26. Instituttimi siunnersuisoqatigiit piffissami ukiunik sisamanik sivilissusilimmi ivertinneqarsimasassapput, siullermik piffissamut 1. marts 2020-miit 29. februar 2024-mut, taamaattoq tak. imm. 3.

Imm. 2. Ilaasortat § 25, imm. 1, nr. 3-mi aamma 4-mi taaneqartut ataasiarlutik qinigaqqissinnaapput.

Imm. 3. Ilaasortat § 25, imm. 1, nr. 5-imi taaneqartut ukiunut marlunnet qinigaassapput ataasiarlutillu qinigaqqissinnaallutik, pineqartut ukiut ilinniarfigisassatut piffissaliussaasut marluk sinnerlugilluunniit suli amigaatigippatigit.

Kapitali 5

Aningaasaqarneq aamma allaffissornerq

Aningaasaqarneq

§ 27. Suliassanut inatsisitigoortunut isumaqatigiissutitigullu aalajangigaasunut Ilisimatusarfimmut ukiumoortumik aningaasaliissutit aningaasanut inatsimmi aalajangersarneqartarput.

Imm. 2. Ilisimatusarfimmut aningaasaliissutit ilai annikitsut Ilisimatusarfiup isumasioreerneratigut taxamiiterit malillugit tapiissutitut tunniussaasinnaapput imaluunniit tunngavinnik aalajangersimasunik nalilerneqarsinnaasunik, ineriartortitsinissamut isumaqatigiissummi aalajangersagaasunik tunngaveqartitaasinnaallutik, tak. § 7, imm. 1.

Imm. 3. Ilisimatusarfik nunatta karsianiinngitsoq allanit kingornussisinnaavoq, tunissutisisinnaalluni tapiissutisisinnaallunilu.

Imm. 4. Ilisimatusarfik isertitanit matussuserneqartunik suliaqarsinnaavoq tapiissutinillu aningaasalersugaasunik ingerlataqarsinnaalluni.

Imm. 5. Ilisimatusarfiup tapiissutit isertitallu allat kiffaanngissuseqarluni atorsinnaavai. Ilisimatusarfiup missingersuutini aallaaviusut malittussaavai, suliaassallu taakkunani takuneqarsinnaasut isumagissallugit.

§ 28. Ilisimatusarfiup Kalaallit Nunaanni Namminersorlutik Oqartussat missingersuutit, naatsorsuuserineq naatsorsuutinillu saqqummiineq pillugit malittarisassai qaqugukkulluunniit atuuttut malissavai.

Imm. 2. Aningaasanut inatsisikkut aningaasaliissutit atorneqarnerat naatsorsuutini immikkut naatsorsuuserneqassaaq.

Imm. 3. Ukiumoortumik naatsorsuutit Kalaallit Nunaanni Namminersorlutik Oqartussat kukkunersiuisunit kukkunersiorneqassapput.

Imm. 4. Ukiumoortumik naatsorsuutit siulersuisunit akuerineqarsimasut, kukkunersiuisut oqaaseqaataat taakkununga attuumassuteqartut ilanngullugit siulersuisut Naalackersuisunut akuerisassanngorlugit saqqummiutissavaat. Naalackersuisut piffissaliussaata qaangiutinnginnerani saqqummiunneqassapput.

Imm. 5. Siulersuisut naatsorsuutinin Naalackersuisunut tunniussinerminnut atatillugu naatsorsuutit tamanut saqqummiutissavaat.

§ 29. Atorfinitsitsinerni atugassarititaasut pissutsillu sinneri, atorfeqarnerup nalaani pissutsit soraarsitsinerillu eqqarsaatigalugit, aalajangersakkanik Kalaallit Nunaanni Namminersorlutik Oqartussani atorfilinnut atuuttunik malinninnissamut Ilisimatusarfik pisussaaffeqarpoq.

§ 30. Ilinniartut ilinniartutut anguniakkaminnik ingerlataannut Ilisimatusarfik aningaasartuutinin akiliussisassaaq atortussanillu atugassiisassalluni.

Imm. 2. Ilinniartut ilinniartutut anguniakkaminnik ingerlataannut allanut Ilisimatusarfik aningaasartuutinin akiliussisinnavaoq atortussanillu atugassiisinnalluni.

Allaffissorneq

§ 31. Ilisimatusarfiup allaffeqarfia universitetip pisortaanit aqunneqassaaq rektorip ataani inissisimasumit.

Imm. 2. Ilimmarfiup ingerlannera allaffissorneralu Ilisimatusarfiup isumagissavai, Ilimmarfimmilu suliffeqarfiit allat allaffissornikkut suliaasaat isumaqatigiissuteqareernikkut isumagisinnallugit.

Kapitali 6

Maalaartarneq

§ 32. Ilisimatusarfiup aalajangiineri, ilinniartut inatsisitigut inissisimanerannut tunngassuteqartut

Naalakkersuisunut suliaassiisutigineqarsinnaapput. Aalajangiinerup naammagittaalliortumut nalunaarutigineqarneraniit naammagittaalliuutip tunniunnissaanut sapaatit akunneri sisamat piffissaliussaapput.

Imm. 2. Maalaaruteqarnerit kinguartitsinermik sunniuteqarsinnaanngillat, taamaattoq tak. imm. 3.

Imm. 3. Naalakkersuisut maalaarsinnaanermut periarfissat, maalaarutit suliarineqartarnerat aamma maalaarutit aalajangersimasut kinguartitsinermik sunniuteqarsinnaanerat pillugit malittarisassiorsinnaapput.

Kapitali 7

Atuutilersitsinermut, atorunnaarsitsinermut ikaarsaariarnermilu aalajangersakkat

§ 33. Inatsisartut inatsisaat 1. august 2019-imi atuutilissaaq.

Imm. 2. Peqatigisaanik Ilisimatusarfik pillugu Inatsisartut inatsisaat nr. 19, 19. november 2007-imeersoq atorunnaarsinneqassaaq.

Imm. 3. Najoqqutassat Ilisimatusarfik pillugu Inatsisartut inatsisaat nr. 19, 19. november 2007-imeersoq malillugu aalajangersagaasut imaluunniit atuutsinneqartut, atuutiinnassapput atorunnaarsinneqarnissamik tungaanut, imaluunniit maleruagassanik Inatsisartut inatsisaat manna imaluunniit inatsisit allat tunngavigalugit aalajangersagaasunik taarserneqarnissamik tungaannut.

§ 34. § 12, imm. 3-mi, § 20, imm. 3-mi kiisalu § 23, imm. 2-mi ilinniakkatigut piginnaasanut piunasaqaatit, taamaallaat Inatsisartut inatsisaata atuutilereerneratigut atorfinnut taakkununga atorfinitsitsinernut atuutissapput.

Imm. 2. 31. juli 2029 tikillugu rektorimik aamma prorektorimik nutaanik atorfinitsitsinerni, § 12, imm. 3-mi ilinniagaqarnermut piunasaqaatinit immikkut akuersissuteqartoqarsinnaavoq, piunasaqaatinik eqqortitsillutik piginnaasalinnik qinnuteqartoqarsimanngippat, imaluunniit taamaallaat ilinniakkatigut piginnaasanut piunasaqaatinik allanik tunngaveqarluni sanilliunneqarsinnaasunik piginnaasaqartunik qinnuteqartoqarsimappat.

Kalaallit Nunaanni Namminersorlutik Oqartussat, ulloq 12. juni 2019

Kim Kielsen